



靜觀堂較正家傳幼科發揮秘方目錄

羅田萬全密齋先生著

龍巖鄭肅鴻舉較正

韓江後學張子謙澤山參訂重刊

卷一

形氣發微論

觀面部五臟形歌

小兒正訣指南賦

幼疾

五藏主病

肝經主病

急慢驚風

卷二

急驚風証

瘧病似天鈞

中惡似癩

馬脾似癩

心經主病

湯方

原病論

觀面部五色歌

胎疾

臍風

肝經兼証

急驚風有三因

變証

類証

盤腸似內鈞

白虎似癩

慢驚有三因

入門審候歌

三關脈紋變見歌

變蒸 變蒸兼証

肝所生病

天鈞似癩

客忤似癩

患病似癩

驚風後餘病

心經兼證  
心所生病

諸瘡 諸汗 諸熱 熱有表裏 熱有虛實

卷三

脾經主病

脾經兼証

脾所生病

腫 脹

腹痛有蟲有積

積痛

吐瀉

泄瀉

痢疾

卷四

瘡 疔

疽

調理脾胃

肺臟主病

肺臟兼證

肺所生病

喘嗽

腎臟主病

腎臟兼證

腎所生病

五臟虛實補瀉之法

因五邪之氣所生病

家傳幼科發揮湯方

一 天保采薇湯

羌活 前胡 半夏 陳皮 柴胡 赤芍 白茯苓 川芎 枳壳 厚朴 桔梗

蒼朮 升麻 葛根 合香 獨活 甘草

二 犀角解毒湯 治胎熱丹毒

犀角 赤芍 生地黃 白芷 甘草 連翹 荆芥 防風 牡丹皮 木通

三 導赤散 治夜啼

木通 生地 甘草 竹葉 黃芩

四 大連翹飲 治胎寒等症

連翹 赤芍 歸尾 木通 甘草 防風 荆芥

五 理中湯 治胎寒等症

乾姜 白朮 甘草 人參 若加附子名附子理中湯

六 釣藤膏 治內釣吐痛

乳香 沒藥 木香 羌活 共為丸釣藤湯下

七 地黃茵陳湯 治疸黃

生地 歸尾 猪苓 天花粉 赤芍 赤苓 茵陳 澤瀉 甘草

八芍藥湯 治夜啼泄瀉

白芍 澤瀉 甘草 大面 薄荷 木香 萊菔 生薑

九六君子湯 治脾胃虛寒等症

陳皮 半夏 人參 白朮 甘草 白茯苓 生薑 大棗 引

十固真湯 治慢驚四肢冷不省人事

附子 甘草 人參 山藥 黃芪 肉桂 白朮 白茯苓 薑棗 引

十一保元湯 治汗多變慢驚

黃芪 人參 甘草 生薑 片 太棗 枚 水煎服

十二薑半散 治吐不止將成慢驚

半夏 生薑 肉桂

十三調脾湯 治脾疳

陳皮 白朮 丁香 人參 柯子 青皮 甘草

十四六味地黃丸 治骨疳

牡丹皮 熟地黃 白茯苓 山萸肉 酒蒸 去核 白澤瀉 淮山藥 右為細末煉蜜丸如桐

子大空心滾水送下

十五蘆薈丸 治了戾哺露

蘆薈 人參 白朮 白茯苓 山藥 木香 陳皮 青皮 麥芽 神曲 當歸各三錢

檳榔兩 麝香許

右為細末猪胆打麵糊為丸如麻子大清水湯送下

十六小異功散 治先瀉後吐脾胃虛冷

人參 白朮 橘皮 白茯苓 薑棗為飲煎服

十七黃連芍藥湯 治先吐後瀉

黃連 芍藥 猪苓 澤瀉 白茯苓 白朮 甘草

十八五苓散 治吐瀉

猪苓 白朮 白茯苓 澤瀉 肉桂

十九消導二陳湯 運痰消食健脾

陳皮 半夏 白茯苓 白朮 蒼朮 神曲 香附 砂仁 甘草

二十六和湯 治暑瀉

陳皮 半夏 白茯苓 甘草 黃連 厚朴 合香 香茹 加扁豆 木瓜

二十一胃苓湯 治長夏暑

澤瀉 陳皮 白茯苓 猪苓 厚朴 白朮 甘草

二十二助胃膏 治胃氣虛寒嘔吐

人參 白朮 白茯苓 甘草 山藥 木香 丁香 合香 砂仁

二十三柯附丸 治瘧泄

柯子肉 灶心土 黑附子 為末米糊丸如粟米大用米湯下

三十四六味兒丸 治脾胃虛弱

人參 白朮 白茯苓 山藥 薏仁米 芡寔 蓮肉 甘草 陳皮 山查 麦芽

砂仁 黃連 澤瀉 芍藥 連翹 右為末蜜丸如彈子大用米湯下

二十五承氣湯 治裡急後重腹痛痢疾

朴硝 大黃 枳寔 厚朴

二十六木香檳榔丸 治食積

黑丑 檳榔 木香 神麩 大黃 右為末生薑汁糊丸如粟米大用米湯下

二十七補中益氣湯

黃芪 人參 甘草 陳皮 白朮 升麻 柴胡 當歸

二十八四順清涼飲 治中焦熱

白芍 當歸 生地 甘草 柴胡

二十九人參敗毒散 治積毒嘔惡

柴胡 前胡 川芎 羌活 獨活 白茯苓 枳殼 桔梗 甘草 人參 生薑引

三十四君子湯 治脾胃不調等證

人參 白朮 白茯苓 甘草 薑棗引

三十一 姜茶飲 治赤白痢

陳茶 生薑 黃蠟 鹽 車前葉

三十二 四獸飲 治虛瘡

白朮 人參 白茯苓 草薹 半夏 甘草 陳皮 烏梅 薑棗引

三十三 人參養胃湯 治瘡寒多熱少

陳皮 半夏 茯苓 人參 蒼朮 厚朴 草薹 合香 薑引

三十四 清瘡飲

柴胡 枳殼 青皮 半夏 白朮 黃芩 厚朴 猪苓 白茯苓 澤瀉 陳皮 甘

草 貝母 知母 全胡

三十五 隨用截方 加恒山 草果 檳榔 姜引 係加在前方煎服

三十六 參蘇飲

人參 蘇梗 桔梗 前胡 半夏 乾葛 陳皮 枳殼 杏仁 木香 甘草 茯苓

苓 用薑飲

三十七 五腸五皮飲 治腫脹

蘇子 山查子 萊菔子 葶藶子 香附子 桑皮 橘皮 大茯苓 茯苓皮 生



薑皮

三十八瀉黃散 治濕熱腫脹

赤茯苓 黃連 黃柏 黃芩 山枝 澤瀉 茵陳

三十九瀉白散 治肺熱

甘草 桔梗 陳皮 桑皮 地骨皮

四十四物湯 調益榮衛

川芎 當歸 熟地 白芍

四十一麥門冬飲 治吐血久不止

麥冬 黃芪 當歸 人參 生地 五味子

四十二清胃湯 治裏後見血

山梔子 生地 牡丹皮 黃連 當歸

四十三茵陳湯 治黃胆

茵陳 梔子 黃柏

四十四祛風散 治天柱骨倒

防風 甘草 羌活 細辛 黃芩 白芷 薄荷 當歸 川芎

四十五滋陰降火湯 治陰虛痰結

當歸 燈心 飲

地黃 白芍 黃連 白朮 知母 天花粉 蓮子 黑玄參 甘草 麥冬

四十六五淋散 治血淋

赤苓 赤芍 山桅仁 條黃芩 當歸 甘草燈心一團飲

四十七清脾飲 治熱痞或熱多寒少

青皮 半夏 黃芩 甘草 白朮 白茯苓 柴胡 陳皮 草菓 厚朴 薑棗飲

四十八人參安神湯 治心血不足驚悸不眠

麥冬 人參 當歸 黃連 棗仁 生地 茯神

四十九安神湯 治心血不足驚悸

人參 半夏 棗仁 茯神 當歸 橘紅 赤芍 五味子 甘草 薑引

五十寧心丸

麥冬 五錢 寒水石 兩一 白茯苓 甘草 牙硝 山藥 各五錢 硃砂 一兩 龍腦 一字

右為細末煉蜜為丸如芡寔大每服半丸砂糖水磨下如慢症用人參白朮煎濃汁取

五十一肝癰丸

五靈脂 夜明砂 龍胆草 天麻 乾蟾頭 全蝎 二個 蟬退 川芎 蘆薈 黃連

青黛 防風 右為細末猪胆汁浸為丸麻子大每十九薄荷湯下

五十二化蠱丸 治肝病

蕪美 青黛 蘆薈 川芎 白芷 胡連 川連 蝦蟇反各等分為末。猪胆汁浸糊

為丸。麻子大。每服二個。臨卧杏仁湯送下。

五十三褐子丸 治疰脹

蘿白子一兩 青皮 陳皮 檳榔 赤茯苓 黑牽牛 菽末 五灵脂各五錢 木香減半

右為末。麩糊如菜豆大。每五十九。桑皮紫蘇煎湯。或蘿蔔湯下。

五十四加味二陳湯 治夫暑傷寒吐瀉

陳皮 半夏 白茯苓 甘草 厚朴 香茹 黃連 山查 麥芽 神曲 木通 澤

瀉

五十五香茹飲 治暑熱

香茹 厚朴 扁豆 黃連

五十六清心蓮子飲 治溺血

麥冬 地骨皮 黃芩 甘草 白茯苓 黃茂 柴胡 人參 石蓮肉

五十七瀉青湯 治顛填

羌活 川芎 枳仁 龍胆草 當歸 防風各等分 大黃減半 竹葉引

五十八清金飲 治傷風嘔吐

前胡 杏仁 桔梗 桑皮 半夏 甘草 旋覆花 薄荷 陳皮 水煎

五十九小續命湯 治剛柔瘧疾

麻黃 人參 黃芩 川芎 芍藥 甘草 杏仁 防風 防己 肉桂 附子 鯀

六十芍蘇飲

川芎 蘇葉 陳皮 半夏 前胡 桔梗 枳壳 乾葛 白茯苓 甘草

六十一瀉肝湯

車前 木通 生地 歸尾 山梔 黃芩 龍胆草 甘草 各等分

六十二松蘿丹 治龜背

松花 枳壳 防風 獨活 各一兩 麻黃 前胡 大黃 桂心 各五錢 為末蜜丸黍米大

每服三十九丸粥飲下

六十三寬氣化痰丸 治龜胸

大黃 三分 杏仁 百合 木通 桑皮 薏苡 天門冬 石膏 各五錢 為末煉蜜丸

菜豆大食後臨卧白熱水化下

六十四柴胡梔子飲

柴胡 山梔 白茯苓 川芎 白芍 當歸 丹皮 牛蒡 甘草 等分水煎子母並服

六十五固腸飲 治久痢不止

木香 黃連 當歸 白芍 人參 白朮 白茯苓 甘草 訶子肉 水煎

六十六屈膝散 治鶴膝

防風 薏苡仁 牛膝 苦參 女便浸兩 何首烏 男便浸兩 姜蚕 天花粉 荆芥穗 各五錢

皂核肉 一兩鹿茸五錢 共為粗末。每用三錢。同冷飯團四兩。牯猪油六錢。粘米蒸

豆各一撮。水四碗。煎至二碗。分作二次。溫服。

六十七猪乳膏 治胎風胎驚

牛黃 硃砂 各少許 取猪乳調抹兒口中

六十八

黃芪 升麻 人參 白朮 陳皮 神曲 澤瀉 黃柏 當歸 青皮 乾葛 五

味 甘草 水煎服

六十九八珍湯

人參 白朮 茯苓 甘草 川芎 當歸 熟地 白芍 薑棗引

七十藿香正氣散 治傷脾胃外感寒邪

藿香 紫蘇 大腹皮 陳皮 桔梗 甘草 茯苓 半夏 神曲 厚朴 白芷

薑棗引

七十一疏風順氣湯 治風寒發喘

紫蘇 甘葛 桑皮 前胡 麻黃 杏仁 甘草 水煎服

七十二清肺湯

白朮 茯苓 陳皮 薄荷 南星 桑皮 細辛 甘草 桔梗

七十三備急方 治夜啼內吊

煎葱湯淋洗其腹。又用艾絨烘熱。包圍其腹。十數次其痛漸止。

七十四蓮花飲

甘草 知母 蓮花鬚 川蓮仁 瓜萸根 五味 人參 乾葛 白茯苓 生地

竹葉

七十五參竹湯

麥冬 人參 竹葉 甘草 半夏 小麥 梗米 陳皮 生薑

幼科發揮目錄終

幼科發揮軍目錄

七

靜觀堂校正家傳幼科發揮秘方卷三

羅田萬全密齋先生著 龍岩鄭 翥鴻舉校正 韓江陵學張子謙澤山參訂

脾經主病

脾主困。寔則曰哺身熱飲水。虛則吐瀉生風。寔則瀉黃散。二黃丸瀉之。虛則益黃散。異功散。小建中湯。調元湯。肥兒丸。補之。

瀉黃散 治脾熱弄舌

霍香葉七錢 山梔仁二兩 石膏五錢 防風四兩

右剉蜜酒炒微香。碾為末。水煎溫服。

益黃散 治脾胃虛冷

陳皮一兩 青皮二錢 訶子二錢 炙甘草二錢 丁香二錢

右為末。水煎服。量大小加減。

治脾胃寒濕太甚。神品之藥也。以補脾胃之虛。誤矣。病非嘔吐瀉利清白。不可服也。東垣云。丁香辛熱助火。火旺土愈虛矣。青橘皮瀉肝。丁香大瀉肺。與大腸脾胃。寔當瀉了。令脾胃虛更瀉了。而助火重虛其土。殺人無疑。故以異功散代之。錢氏異功散。溫中和氣。治吐瀉不思食。及脾胃虛冷痛。

人參 白茯苓 白朮 炙甘草 陳皮各等分

右為末。每服一錢半至二錢。水煎服。即四君子加陳皮。  
調元湯 補脾胃。扶元氣之聖方。益脾土。瀉火邪。補元氣之要約。 黃芪蜜炙

人參 各等分 炙甘草 減半  
右水煎不拘時服

小建中湯 治脾胃中氣虛損 加黃芪名黃芪建中湯

白芍藥 酒炒 炙甘草 各等分 肉桂 減半

右剉末水煎成劑。去渣滓。入白錫一匙。再煎一沸。溫服。

肥兒丸 小兒脾胃素弱。食少而瘦。或氣強壯。偶因傷食。或因大病後瘦。此家傳秘方也。

人參 五錢 白朮 五錢 白茯苓 五錢 山藥 蒸 五錢 蓮肉 五錢 當歸身 酒炒 五錢

陳皮 三錢 青皮 三錢 木香 三錢 砂仁 三錢 史君子 三錢 神麩 三錢

炙甘草 三錢 桔梗 二錢 麥蘖 二錢

右為末。荷葉浸水。煮粳米粉糊丸。麻子大。每服十五丸。二十五丸。三十五丸。四十五丸。

至五十九丸。米飲送下。

脾經兼證

諸因睡不思食。吐瀉。皆脾臟之本病也。昏睡身熱。宜胃苓丸。琥珀抱龍丸。食之。  
吐瀉有冷有熱。冷者不渴。理中丸主之。



熱者渴飲冷水五苓散調天水散主之。

兼見肝証初傷風吐瀉惡風發熱煩急煩悶此宜發散惺惺散主之。

如先吐瀉後變慢驚風者不治。

五苓散 能分陰陽止吐瀉利小便定驚悸。

猪苓 澤瀉 白朮 赤茯苓各等分 桂減半

右剉或為末水煎加硃砂名硃砂五苓散名茵陳五苓散。

天水散 一名六一散 一名益元散

除熱止渴化涎痰利小便。

滑石飛過六兩 炙甘草一兩 共末碾勻水調服。

惺惺散 治傷寒時氣風熱涎痰咳嗽。

四君子加桔梗 細辛 瓜蒌根 防風各等分

右為末小者每服一錢大者二錢入薄荷葉五片水煎至七分溫服剉亦可。

兼見心証發熱昏睡夢中驚悸。

宜東垣安神丸主之。

渴飲水 硃砂五苓散

兼見肺證咳嗽昏睡氣促而喘者宜葶藶丸主之。

葶藶丸 治傷食衝脾。傷食喘嗽。痰涎喘促者。

甜葶藶去皮隔紙炒。黑牽牛炒取頭末。防己。杏仁去皮尖。研為膏各等分。

右研和勻。取膠棗肉去皮杵爛入藥。再杵丸。麻子大。每服五丸至七丸。淡姜湯食後臨

卧送下。量免強弱加減。予今家傳去黑牽牛加蘿蔔子真蘇子炒入尤妙。

兼見腎證。羸瘦痿弱。嗜卧不能起者。宜脾腎兼補。補腎地黃丸。補腎宜養脾丸。

如瀉久。便膿血者死。

補腎丸 此家傳補脾之聖方。小兒脾常不足。宜此補之。

人參一兩 白朮一兩 茯苓一兩 炙甘草一兩 陳皮一兩 白芍酒炒 黃芪一兩

山藥一兩 當歸身一兩 蓮肉一兩 神朮五錢 肉桂二錢五分

右為末。荷葉水煎。粳米糊丸。如麻子大。用米飲送下。

一女嗜卧。發熱項軟。頭傾倒不能舉。諸醫作風治。而遲疑不決。予至見之。謂諸醫曰。此陽

虛病也。蓋頭者諸陽之首。胃者諸陽之會。此女必乳食傷胃。胃氣不足。故清陽不升。而項

軟不能任元也。可服調元湯。一劑而安。人皆嘆服。

脾所生病

經云。諸濕腫滿。皆屬脾土。腫病

腫有二。經云。面腫曰風。足腫曰水。

凡腫自上起者。皆因于風。治在肺。宜發散之。所謂開鬼門者是也。鬼門。汗孔也。參蘇飲合五皮湯主之。

腫自下起者。因于腎虛。宜滲利之。所謂潔淨府。是利其小便也。故仲景云。治濕不利小便。非其治也。宜五苓散加防已。檳榔主之。

有一身盡腫者。宜胃苓五皮湯主之。經曰。折之謂上下分消。以去其濕。發汗利小便。此方是小兒者。胃苓丸煎五皮湯送下。

胃苓丸 此家傳十三方也。

蒼朮

酒浸

厚朴

陳皮

猪苓

澤瀉

白朮

茯苓

甘草

官桂

薏仁

右為末。水麩丸。麻子大。米飲下。此小兒常用之藥。隨病換引。

先翁治小兒腫。只用胃苓丸。正方。順取長流水。入燈心煎湯送下。每日午時。用五皮湯料煎湯。抱兒于房內。無風去浴之。浴罷上床。睡令一覺。以薄被蓋之。得微汗佳。如是腫消而止。未有不效者。

五皮湯

桑白皮 陳皮 生姜皮 茯苓皮 大腹皮

右用水煎

經紀萬邦瑞女。二十七歲。病腫甚異。當後午前。上半身腫。午後丑前。下半身腫。上下盡消。為牝戶腫。小便難。諸醫不能治。請予治之。予曰。經云。身半已上。天之陽也。宜發其汗。使清陽出上竅也。身半已下。地之陰也。宜利小便。使濁陰出下竅也。正上下分消。以去其濕之法。唯半夜陰戶腫。不得小便。此又當從肝經求之。蓋厥陰肝經之脈。丑時起于足上。環陰器。又肝病者。則大小便難。用胃苓五皮湯發汗。利小便也。內有茯苓。所以伐腎肝之邪。水得桂而枯。又以辛熱散肝經之水。以溫腎之真寒濕也。連服十一劑。而腫盡消去矣。予奉先翁之教。凡腫微者。只用胃苓丸。本方治之。如面腫甚者。胃苓丸本方內。加紫蘇葉二錢。苦葶藶一錢。隔紙炒。以去肝經之風。足腫甚者。本方內。加漢防己二錢。牽牛炒取頭末一錢。共為丸。燈心煎湯下。吾有一二人。不守先訓。而用葶藶牽牛為治腫之藥。隨消隨腫。殺兒甚多。累吾之德。雖禁之不能阻也。

湖廣右布政使孫隆慶。丁卯入場監試。為書經禮記總裁。有小姐病。留全司中調理。小姐誤食菱角傷脾。面腫而喘。夫人憂之。命全進藥。全立一方。用錢氏異功散。加藿香葉。以去脾經之濕。紫蘇葉。以去肺經之風。一劑而安。場罷後。公出。見其方。謂全曰。此方甚好。取筆扎今舍人孫環書記之。

小兒病嗽。病瘧。病瘡。後腫者。皆虛腫也。如受風雨水濕之氣。而腫者。寔腫也。

小兒諸腫不問虛實。並用胃苓丸五皮湯主之。此家傳也。

如因喘嗽面目浮腫者。宜消腫葶藶丸主之。

如瘧後遍身浮腫者。此因瘧發之後。外中風邪內傷冷水得之。宜胃苓丸用長流水順取入燈心煎湯送下。更于日午浴之法加煎。

如無他病浮腫者。視其腫起之處治之。

如自面起。上半身先腫者。此風腫也。宜五皮湯加紫蘇葉防風主之。

如從足起。下半身先腫者。此濕腫也。宜五苓散加防己木通主之。

如腫久不消。氣責能食者。

宜利其水。商陸胃苓丸主之。腎者水之根。濕則傷腎。小兒久坐濕地者多此疾。

如氣弱食少者。只以補脾為主。脾屬土。土能勝水。脾強則水去而腫消矣。

宜參苓平胃散加藿香葉紫蘇葉木香砂仁為丸服之。

有腎虛者。安腎丸服之。

有面目俱黃。遍身俱黃且腫者。此黃腫也。

宜胃苓丸加茵陳服之。

如黃而不腫者。此疸症也。觀其色之明黯。

如黃而色鮮明。小便色黃且澀者。此熱也。宜三黃金花丸主之。如色黃昏黯。小便不利。

者此濕也宜茵陳五苓散主之

安腎丸 大腫不消腎虛不納水也

川烏炮去皮 桂心 白茯苓兩三 白朮兩三 石斛酒炒 白蒺藜炒去皮 巴戟天三兩

故紙炒三兩 桃仁微炒去皮 茯苓焙酒炒 草薢三兩

右為末煉蜜丸艾薑大每一丸鹽湯下

胃苓五皮湯

治腫要約 平胃 五苓方見前

右劉取長流水燈心煎服

商陸胃苓丸

病腫氣壯能食者宜此治之謂茵陳五苓潔淨府也右共為末水煎麵丸麻子大每服三

十丸至五十丸止大便後快右服衰其半而止

一兜瘡後腫用胃苓丸長流水煎燈心湯下

又用浴法調理二十日而安

一兜病腫有庸醫假專門之名不守家傳之法嘗稱得異人之術用葶藶丸牽牛為治腫

方之神藥作散服之元氣下陷肚大坐不得卧陰囊腫大莖長而卷予見之而嘆曰脾土

已壞肝水獨旺乃賊邪也不可治矣果死

一兒病腫。腹大。彼自庸醫妄談。五日消一分。乃取繩子圍其腹。量之。投以牽牛。蒸慙服之。利下數行。腫減十分之三。父母甚喜。約至五日再消三分。未三日又大腫。較大如前。庸醫聞之。走去。病勢益甚而死。

一義子十五歲。病疸。面目俱黃。子問之。對曰。傷食。起腹中大熱。又痛。乃立一方。用黃蘗枝子等。大黃減半。以退其熱。猪苓澤舍茯苓蒼朮等分。以去其濕。枳實厚朴神糶。以去其食積。茵陳蒿倍用。以去其黃。共為細末。酒糊丸。車前子煎湯下。三日後吐去黃水二碗許。胸中不熱。又二日泄。三日腹中不痛。十日以後。小便漸清。黃亦漸減矣。此一段在痘門。

脹病

脹病有二。屬虛者多。寔者少。東垣錢氏等從虛治。內經云。太陰從濕。謂寒熱也。作熱治者誤矣。當以脈症辨之。

寔脹者。或因食積。或因癖塊。先有物在胃腸中。而後膨形于外也。按之則堅。宜消導以去之。不可攻之。攻之愈虛。不可治矣。宜胃苓丸主之。

虛脹者。或因吐瀉。瘧痢之後。脾胃久傷。而病。此氣虛在于膜盲之外。其外雖脹。其中無物。按之則瀉。扣之有聲。不可外攻。攻之即死。宜用溫補。

錢氏加減異攻散作丸服之。

人參一錢 白朮一錢 炙甘草一錢 陳皮 青皮 枳實 炒厚朴 炒半夏 炒

黃連姜十錢炒 木香 丁香 藿香葉

右共為末。神糶糊丸。麻子大。炒陳米湯下。因于熱者必口乾飲水。神識不清。無時謔語。

宜三黃丸。河間涼膈散。仍作膽導法。

河間涼膈散

連喬一錢 黃芩五分 薄荷三分 枝子仁三分 甘草五分 大黃五分 朴硝五分

右用水一盃。竹葉三片。煎臨熟入蜜一匙。去渣溫服。

因于宿食者。必惡食吞酸。腹中時痛。宜三黃枳朴丸。方見後。木香枳榔丸主之。

因于積者。腹中陣痛。宜丁香脾積丸主之。

小兒腹脹。與大人不同。多因傷食得之。宜胃苓丸合丹溪保和丸主之。

如果傷食腹脹。或痛吞酸。惡食大便不利者。宜木香承氣丸主之。

木香承氣丸 枳實炒厚朴 煨汁 大黃酒炒 枳榔酒浸各 木香半

右為末。酒糊丸。麻子大。白湯下。

木香枳榔丸 治一切熱積。兼治痢疾腹痛。

木香一兩 枳榔一兩 青皮去白 黃連一兩 黃蘗一兩 莪朮煨 一兩 陳皮去白

香附子一兩 枳殼炒 大黃炒 黑倍 婦人加當歸一兩 五錢

一方有黃芩 三稜分兩不同



右為末水杵丸麻子大姜湯下

加減榻氣湯 治腹脹

蓬萊 砂仁 青皮 陳皮 丁香 全蝎炒 萊服子炒 各等分 右為末神糶糊丸

麻子大厚朴湯下

予外甥女有食積脾虛病。出痘後又傷食。腹脹不喜食。予用胃苓丸方。加枳寔炒神糶麥藥青皮作丸服之。

予孫邦子也。先病瘧。傷食成疳。又傷食甚瘦。腹脹大而堅。見人則哭。予立一方。用人參白朮。白茯苓。甘草。半夏曲。枳寔。炒厚朴。黃連。木香。義朮。砂仁。使君子。神糶。麥芽。鼈甲。夜明砂。當歸。川芎。等藥。

小兒瀉後腹脹。予用加減榻氣丸服之愈。

一小兒瘧久不退。腹大而堅。予用化癖丸服之愈。

一小兒五歲。腹大善食。予見之。謂其父母曰。乳多必損胃。食壅即傷脾。令即腹大如是。又不知節。縱其口腹。吾恐腸胃乃傷。不成腸癖。必成疳也。後果成疳。腹大青筋。請予治。以集聖丸調理而愈。

一兒善食。腹大。予用保和丸胃苓丸二方。相間調理而愈。

一兒因傷食。腹脹。醫用葯下之。愈。又傷食。腹脹。醫再下之。

予聞之曰。非其治也。誤殺此兒。果半年而死。或問曰。何料神也。曰。有食飽傷胃而脹。法宜消導之。不可攻下也。有脾虛不能消食。食飽則脹者。此宜補脾。以助其傳化。則可也。豈可下乎。此兒初脹。食飽傷脾也。不行消導。乃下之。誤矣。後又腹脹。則脾虛之病也。再三下之。不大誤乎。屢下。屢脹。故令即脹大無絞。臍突背平而死。雖醫之誤。不信吾言。父母之過也。腹中有癖。瘧後多有之。兒有癖者。常作寒熱。似瘧。不可作瘧治也。癖去則寒熱自止。家傳消癖丸甚效。

人參 陳皮 三稜 莪木 木香 黃連 砂仁 鼈甲 枳寔 乾蟾 尖片

夜明砂 使君子 半夏曲 海昆布

右為末。酒糊丸。麻子大。米飲下。

先翁治癖。只用月蟾丸。此家傳十三方也。

木香 一兩 人參 一兩 黃芪 一兩 歸身 一兩 桔梗 一兩 三稜 一兩 莪木 一兩 使君子 一兩

緣蓉 一兩 枳寔 一兩 鼈甲 一兩 練根皮 一兩 訶子 一兩 乾蟾 五分 鐵黃連 一兩

右為末丸。如綠豆大。每服三四十九丸。米飲下。

腹痛 有蟲 有積

虫痛發作無時。隨痛隨止。發則面色眊白。口吐涎沫。腹中痛作疔瘡。脈洪大。目直視似癩。宜下之用木香檳榔丸。苦練根白皮煎湯送下。先翁用雄黃解毒丸下之。小兒體弱者。

不可下也。用安虫丸以漸去之。

木香 黃連 青皮 檳榔 使君子 白雷丸 白無夷仁 莪朮 醋炒

苦練根皮。白者可用。赤者有毒。

右各等分。共為末。醋麵丸。麻子大。白湯下。

家訓云。凡欲取虫。須于每月上弦前取之。虫頭向上。若望後頭向下。不可取也。

王小亭子善食。嘗苦虫痛。予用安神丸服之。三日後取下一虫。甚異。約長一尺。身赤色。大如蟠。令人手持。兩頭牽之。長二三尺。形如小綫。放下依舊短縮。此虫母也。

胡泮西弟早卒。遺子。乃泮西夫人養之。嘗苦腹中虫痛。請先翁治之。再三不效。復請予治。

之。予問先翁。曾用何葯。翁曰。雄黃解毒丸。予問翁。再有別方否。翁曰。只此一方。用之屢效。

予告翁曰。此虫有靈。當設法取之。擇定破除日。在每月初旬取之。勿令免知也。隔夜煎下。

苦練根。次日五更。與其伯母議。用清油煎鷄子餅一個。先食之。後服葯。故不與食。免聞其。

香味。急欲食之。腹中如有物湧上。心口取葯與之。服少頃。心下之物墜下。以蛋食。不食也。

已時腹中大鳴。而瀉。下一虫。甚異。約小指長。有頭有手足。狀如嬰兒。予見之。驚曰。此云傳。

癆虫也。泮西云。彼父癆死。母亦癆死。今此兒正三傳也。幸去之矣。令一婢用一鉄鉗夾之。

河中。以火焚之。有烟撲入婢口中。其婢亦病癆死。此男無恙。至今誦之。翁曰。汝用何葯。如。

此神效。全曰。雄黃解毒丸。恐人知之。故秘之也。本縣戶房吏闔姓者。麻城人也。子有虫痛。

黃瘦腹中時痛口饑如有肉食則不發痛一日無肉則痛發也請先翁治之翁命子往覓其子甚弱不敢下乃思一計只用苦練根皮放肉汁中煮食之單服三日下虫如蚪蚪者一盆色黃黑後以養脾丸調理而安闍厚謝先翁謂先母曰吾有子矣往吾教他讀書醫出于儒先母聞之而喜

一小兒七歲善食肉嘗病腹痛其父問曰積痛虫痛何如予曰積痛發有常處手不可按惡食而口乾虫痛無常處喜子按摩口饑而吐清水此兒乃虫痛也以藥取之下虫大者十餘條而痛止未一月又痛予曰不可再取矣如不去其虫則痛不除積不除則虫又生苟再取之恐傷胃氣不可也乃立一方仍用黃連木香檳榔去積為主陳皮青皮三稜菝朮枳實山查專去其積使君子白蕪夷川練子苦練根皮專去其虫等分為末神糶糊丸麻子大米飲下常服之時下小虫及下大虫如指大約長一尺乃虫母也自痛漸減

或問人腹中皆有蛇虫何兒之虫獨多也

予曰小兒食傷成積積化為虫嘗觀草腐而化為螢木腐而生蠹人脾虛而虫集其理也或問虫之狀有不同者何也

予曰各從其臟變化也如心屬火化為羽虫肝屬木化為毛虫肺屬金化為疥虫腎屬水化為鱗虫脾屬土化為倮虫故蛇虫倮虫出于脾為土化也

積痛

小兒腹痛屬食積者多。食積之痛屬寒者多。蓋天地之化熱則發散而流通。寒則翕聚而壅塞。飲食下咽之後。腸胃之陽不能行其變化轉輸之令。使谷肉果菜之物留戀腸胃之中。故隨其所在之處。而作痛也。

如在胃中。猶是完物。在當心而痛。宜吐之。所謂高者越之是也。瓜蒂散主之。

積丸主之。在小腸中。雖變化猶是糟粕。其痛在心之下臍之上。宜辛溫之藥利下之。宜丁香脾

一兒周歲。食肉大早。自此成積。日漸羸瘦。不思乳食。其父沙溪告予。請醫治之。予取養脾去

積丸。先服三日。後用脾積丸。雞肉湯下。取下雞肉一片。猶未化也。再服養脾丸。調理而愈。

其在大腸者。水穀已分。傳送廣腸為疾也。其痛在臍下。宜苦寒之藥下之。木香檳榔丸

主之。如可吐者。不如益湯探吐之法尤妙。

如飲食之後。有胃口痛者。此宜吐之。如因舊日之積作痛者。不可吐之。恐傷胃氣。宜用

小陷抱丸主之。

枳寔錢麵炒五分 半夏二錢 黃連姜州炒 草豆蔻炒五分

右為末。神糶糊丸。麻子大。姜湯下。

王小亭一日胃脘當心而痛。請予治之。七日不止。予以手摸其胸腹。問在何處。惟心之下。手不可近。予曰。吾差矣。何怪其藥之不效也。凡腹手可按者。虛痛也。手不可按者。實痛也。

寔痛。非疾則痰。故手不可按也。乃立一方。以枳寔導滯丸。控涎丹二方。內擇取枳寔黃連半夏各二錢。木香黑牽牛頭末白芥子炒甘草等分。搗羅為末。用生姜自然汁。和神糲作丸。麻子大。以沉香磨栳榔瘡水下。或姜湯亦可。初服二十九丸。少頃痛移下中脘。又服七丸。至臍下。又服五丸。利下清水而止。乃是脾痛也。復作枳朮丸。加青皮陳皮木香砂仁神糲麥芽山查。調理而安。治痛者。其可忽諸。

凡腹中積痛者。只在腸胃之中。蓋腸胃為市物之聚也。脾主腐化。而無所受故也。非客所犯。必不為痛。如有脾痛者。宜祖傳三聖散主之。

蒼朮 益炒 香附子 益炒 良姜 清油炒

右為細末。熱酒調下。

吐瀉

吐出上焦。瀉出下焦。乃腸胃之病也。脾在中焦。管攝乎上下之間。吐瀉互作者。乃脾之病。夫人身之中。足陽明胃脈之氣。自上而下。足太陽脾脈之氣。自下而上。上下循環。陰陽交接。謂之安。而無病也。故胃氣逆而為上。則為嘔吐。脾氣逆而為下。則為泄瀉。吐瀉之病。脾胃謂之總司也。

發揮云。胃在上焦。主內而不出。嘔吐則不納矣。腸在下焦。主出而不入。有經泄瀉。出則無經矣。觀朱無議傷寒括云。胃家有熱。難留食。胃冷無緣納水漿。則嘔吐之出于上焦也。明

矣。又張長沙傷寒論云。下利服理中不止。理中者。理中氣也。治泄不利小便。非其治也。五苓散主之。不止者在下焦。赤石脂禹餘糧湯主之。則泄瀉出于下焦矣。明矣。

赤石脂一斤 禹餘糧一斤

右水六升。煮取二升。去渣。分三服。

又按治泄利者。有四法焉。有用理中湯。以治其理氣者。有用五苓散。以利其小便者。有用真武湯。以溫其腎者。有用赤石脂禹餘糧。以固澀其大腸者。不可不知其要也。蓋腎開竅于二陰。主蟄藏者也。如門戶然。泄瀉不止。門戶不固也。故用姜附以溫之。閉其門戶也。腸胃者。容受水穀之氣。猶廩倉然。脾司出納。乃倉廩之官也。吐瀉不止。乃倉廩之藏。官之失其職也。故用參朮以補之。封其倉廩也。下焦者。水穀注下之路。如溝瀆然。小便不利者。溝瀆之不能別也。故用猪苓澤瀉以利之。疏通其水竇也。大便不禁。溝瀆之不能滯也。故用赤石脂龍骨以澀之。塞其決也。

茯苓一兩 芍藥一兩 生薑一兩 附子一枚 白朮二兩

右用水八升。煮三升。溫服七合。三日。

祖訓治吐瀉者。只用胃茶丸。吐以煨生薑湯。泄以一粒丹和之。炒米湯下。

一粒丹 一名白玉丹 此亦家傳十三方也。

寒水石煨二兩 白礬枯一兩

右為末水糊丸小豆大每一丸米湯下

錢氏曰脾主困謂疲憊也非嗜卧也吐瀉久則生風飲食傷則成疴易至疲憊也此與腎主虛同

論腎者元氣之主腎虛則為稟賦之病脾者氣穀之主脾虛則為津液不足之病故小兒五臟之病脾腎最多肝心火次之肺又次之

小兒吐瀉多因傷乳食得之

如吐瀉時不啼哭不喜飲食此傷乳食者也初得之不可遽止宿食未盡去也宜換乳食勿令重傷吐瀉益甚非醫之咎也益黃散主之

有熱者胃苓丸用東向陳壁土和生姜少許炒焦入水煎湯澄清吞下瀉不止以胃苓丸一粒丹合而服之煎湯下效

如吐瀉時啼哭其身俛仰不安者必腹中有痛此霍亂也內傷乳食外感風寒得之先治其裡宜理中湯加藿香後治其表桂枝湯表裡通治藿香正氣散

如吐瀉時不惡風寒喜人懷抱此傷風吐瀉也宜發散惺惺散

一兒周歲吐瀉並行時天大寒醫用理中胃苓丸服之不效予曰此表裡有寒邪未得發散也取益黃散與之其夜得大汗而止

一女歲半與前兒同症吐瀉此傷食也前有外感風邪故用益黃散溫其表裡之寒此只



是傷食。用胃苓丸一粒。丹陳壁土湯下。調其脾胃。消其食積。而吐瀉俱止。

一兒暴吐瀉。上下所出皆亂。不化。用理中丸服之效。

一兒暴吐瀉。上下所吐皆黃水。中有乳片不化者。用二陳湯。加黃連姜汁炒煎服效。

或問二病同。而治之異者。何也。

曰。所出之乳不化者。胃有寒也。故以理中丸急溫之。所出乳片不化者。胃有熱邪。熱不殺穀。宜半夏黃連以解之。此同病異治法也。

嘔吐

小兒嘔吐。多因乳食之傷得之。非若大人有寒熱。然于寒者亦有之。

嘔吐。溢乳。覘乳。當分作三証治之。

嘔乳者。初生小兒。胃小而脆。容乳不多。為乳母者。無縱與之。勿令其大飽可也。子之胃小。而脆。乳母之乳多而急。任意飲之。則胃不能容。大嘔而出。嘔有聲。而乳多出。如瓶注水滿而溢也。

溢乳者。小兒初生。筋骨弱。左傾右側。前俛後仰。在人懷抱扶持之也。乳後太飽。兒身不正。必溢出二三口也。如瓶注水。傾而出也。

覘乳者。小兒無時。乳常流出口角。唇邊常見。如瓶之漏。而水滲出也。即吐露。

嘔乳者。節之可也。溢乳者。正抱其身可也。二者皆不必治。覘乳者。胃病虛也。宜

補之。理中湯丸加霍香木瓜主之。

先翁治小兒嘔吐。只用胃苓丸研碎。以生姜煨熱煎湯調下即止。

理中湯治嘔吐。或有不吐者。嘔家不喜甘故也。必去甘草加霍香之辛。木瓜之酸。用之效。

傷冷乳者。所出清冷。面眇白者是也。宜益黃散煨生姜煎調服。

傷熱乳者。物出熱。面赤唇燥者是也。宜六一散煨生姜煎湯調服。

傷乳食物。出作醜酸氣者是也。宜胃苓丸煨生姜煎湯研碎調服。

本縣儒學教官陶姓。一子生八月病吐。諸醫治之不止。湯丸入口即吐。諸醫云。食入即吐。

是有火也。欲作火治。用瀉火藥又不效。眾醫不能治。其吐益劇。即請予議治。予曰。理中湯。

師曰。服此方不得入也。予曰。用法不同。時有生員蔡一山。素與吾不睦。在旁笑云。不必多。

言。且看汝法何如也。予曰。汝亦不必多言。明早來問。始見吾之能也。此非試宏詞博學科。

何相忌耶。作理中湯劑。用獾猪胆汁。童便各半。拌之炒焦。以水煎服。藥入即止。次早蔡生。

來問。師曰。果效。問是何方。曰。理中湯。蔡子又問何法。予曰。此在內經。傷寒論中。猪胆入溺。

白通湯方下。免歸讀之。自理會出來。師又問予曰。吾聞蔡子常妒汝。今信之。請言其法。予曰。

吐本寒邪。當用理中湯。熱藥以止之。內寒已甚。格拒其陽。故熱藥入喉。被寒所拒。不得入。

也。今胆汁之苦寒。童便之鹹寒。下喉之後。兩寒相得。故不復出。須臾之間。陰氣漸消。陽氣。

乃發。此熱藥須冷藥以主治。格拒之寒。以止嘔噦者是也。

宋理宗嘔吐不止。召醫楊吉老治之。問用何方。曰辛熱藥也。帝曰。服之不效。吉老奏曰。熱藥冷服。藥成放井中良久。澄冷進服。一啜而吐止。即此法也。帝聞而喜之。後以六君子湯作丸調之。王少峰次子。三個月病吐。請醫治之。藥乳不納。子見其兒在乳母中。以身伸弩上竄。呢呢有聲。有發驚之意。乃服理中湯末子一分。用猪胆汁童便各半匙。調分三服。初一次少停。略以乳喂一二口。即止。又進一次。又乳之。其兒睡一覺。醒則嘔止。不伸弩。不呢呢作聲矣。予以是法教諸子止吐。活人甚多。乃良法也。

英山鄭孔紹一女。辛丑三月患嘔吐。請予往視。其証乃傷食吐乳也。家人云。無乃用理中湯去甘草加丁香霍香不效。又作胆汁童便法。又不效。四日後吐出飯半碗。予謂家人曰。此女數日不食。何以有此完飯也。吾言傷食。汝固曰無勞汝心力。不得見效。遂取脾積丸投之。取下惡糞如靛。詢之果五日前外翁王宅歸。比懷鷄子黃色變也。所吐出之飯。即所食之飯也。壅塞腸胃。格拒飲食。所以作吐。下之即愈。

予思小兒嘔噦不止。多是肝胆二經之病。故仲景猪胆入溺白通方。在厥陰病中。新製一方。止嘔吐不止之病。

吳茱萸

黃連各等分剉。

右用向東壁土一塊。杵碎。用藥放在銚中炒焦。入水煎一二沸。澄清服之。凡治小兒嘔吐。止後不可使與乳。其吐復作。非醫之咎也。吐後多渴。禁與湯水。須使忍一

時渴自止也。若與湯水轉渴轉吐不可止也。大人同。有吐蛇者胃熱甚也。宜理中丸。用烏梅與椒煎湯調服效。

寒水石

煨飛

半夏

錢五分

白枯礬

五錢

右為末。水糊為丸。麻子大。姜湯下。此家傳十三方也。

因于寒者。食久則吐。其乳不化。宜理中湯加霍香砂仁主之。

因于熱者。食久則吐。其乳成片。宜理中湯加黃連竹茹主之。

因于食積者。吐出酸酸。氣味惡食。宜養脾消積丸。甚者丁香脾積丸主之。吐止後胃冷

丸主之。

因于虫者。吐多清水。腹痛多啼。宜理中湯加木香檳榔丸主之。

嘔吐藥石不得入者。此胃中有寒。陰盛格陽也。宜理中湯入童便猪胆汁主之。

一兒初生即吐。醫欲用錢氏木瓜丸。予阻之曰。不可。小兒初生。胃氣甚微。初飲乳。或乳多

過飽而吐者。當令乳母緩緩與之。或因浴時客寒犯胃而吐者。當取其乳汁一杯。用姜葱

同煎。少與服之。或因惡露涉水。停在腹中而吐者。宜以炙甘草煎湯而吐去之。如何敢用

木瓜丸。以鉄粉檳榔之劑。重犯其胃中初生中和之氣耶。故常語人曰。錢氏小兒方。非先

生親筆。乃門人附會說也。

一兒自滿月後常吐乳。父母憂之。諸醫不能止。一日問予。予曰。嘔吐者。非常有之病也。今

常吐乳非病也。然孩兒賴乳以生。頻吐乳者非所宜也。恐傷氣不可不求其故。有母氣壯乳多者。唯恐兒飢。縱兒飽足。飽則傷胃。所食之乳湧而出。此名溢乳。如瓶之注水滿而溢也。宜損節之。更服肥兒丸。

兒之初生。筋骨軟弱。為乳母者當懷抱護持可也。不然則左右傾倒。其乳流出。此名吮乳。如餅之側。其水流出也。能緊護持則不吐也。

有胃弱者不受乳而變化之。無時吐出。所吐不多。此名哺乳。如餅之漏。不能容受也。當補其脾胃。助其變化可也。亦以肥兒丸主之。

### 泄瀉

泄瀉有三。寒熱積也。

寒瀉者不渴。宜理中丸主之。

熱瀉者不渴。宜五苓散。調六一散主之。

積瀉者面黃。所下酸臭食也。宜丁香脾積丸下之。積不去。瀉不止也。

三稜煨五分 義朮煨五分 青皮去白炙五分 良姜醋炙五分 丁香去蒂五分 木香三錢 牙皂三錢

百草霜三錢 巴豆霜二錢五分

右為末。醋麵糊丸。麻子大。隨人加減。遡源湯送。原物亦可。

胡三溪子病瀉不止。三溪自與甘大用同醫。皆吾所傳也。不效。其兄元溪云。今有璞玉于

此雖萬鎰必使玉人雕琢之。今子病。何不請密齋。爾與甘子能治之乎。時吾在英山。此子原結拜我。吾聞之即歸。問其所用之方。皆不對証。觀其外候。面色黃。所下酸臭。此積瀉宜下之。積去瀉斯止矣。乃取丁香脾積丸一服而安。其父問云。吾聞濕多成五瀉。未聞所為積瀉也。予曰。難經有云。所為大瘕瀉者是也。濕成五瀉者。有內因者。有外因者。有不內外因者。

有因于風者。水穀不分。謂之飧泄。

有因于熱者。水穀暴泄。謂之洞泄。

有因于寒者。水穀不化。謂之溏泄。

有因于溫者。水穀稠黏。謂之濡泄。

此四瀉者。外因之病。濕自外生者也。

有因于積者。膿血交雜。腸鳴腹痛。所下腥臭。謂之瘕瀉。瘕者。宿食積瀉之名。乃食癥也。此

內因之病。濕自内生者也。

有不內外因者。乃誤下之病。有挾熱挾寒之分。所謂腸垢驚瀉者是也。

又問脾積丸。乃取下之劑。何以能止瀉也。

曰。胃者。水穀之海。腸者。水穀流行之道路也。泄瀉者。腸胃之病也。腸胃無邪。則水谷變化。便溺流行。是為無病兒矣。今有宿食不化。陳腐之物。菟積于腸胃之中。變為泄痢。如源泉

之水停積于中。流出于外。苟不陶其源而出之。則泄痢終不止也。故以脾積丸去其陳腐。此拔本塞源之法。按本草云。巴豆末泄能令人瀉。已泄能令人止。脾積丸之治積泄。祖訓當遵守也。教諸子治瀉泄。始終三法。

初用理中丸一服。不止。次用五苓散。一二服分利。不止。三用白朮散服之良。又

不止。用參苓白朮散調理。未有不效。再不止。用參苓白朮散二分。豆蔻一分。發揮云。難經五瀉之論甚詳。子論大腸瀉。小腸瀉。大瘕瀉。則易明。子論脾瀉。腎瀉。則難分曉也。且腑者。府也。謂水谷所藏之府也。有所受則有所出。臟者。藏也。乃魂魄神志意所藏之舍。無有所受。豈有所出哉。其脾瀉者。即胃瀉也。謂脾不能約束其胃。胃不能藏而瀉也。故瀉有屬脾者。有屬腎者。但自胃來者。水谷注下而多。自脾來者。則成黃糜瀉。無度而少也。觀仲景傷寒論中。大便不通者。用脾約丸。其易明矣。腎亦臟也。謂之腎瀉者。腎閉。數于二陰。為閉藏之主。腎虛則不能主閉藏。而水谷自下。且下焦如瀆者。所受則有所出也。但瀉不同。難經云。其瀉下重者。即腎瀉也。觀東垣先生脾胃論。補中益氣湯方。凡大便芻蕘者。加當歸身紅花。芻蕘者。即下重。歸身紅花以潤血。蓋腎惡燥。故用二物以潤之。腎瀉亦與大瘕瀉同。瀉者。痢也。乃積滯之物。故痢曰滯下。况痢則腹痛。有腸鳴。有裡急。有赤白。若腎瀉。則使時畧難。却無裡急後重之証。故云。痢則下重也。古人立方治腎瀉者。有用破故紙者。補其腎也。有用吳茱萸者。補其肝也。皆苦以堅之。辛以潤之之法。今吾立方治脾瀉。

者。只用參苓白朮丸。治腎瀉者。只用六味地黃丸。加破故紙甚效。

胃瀉。大腸泄。小腸泄。三者不同。

蓋自胃來者。水穀注下而不分。所下者皆完谷也。此寒治理中丸主之。

自小腸來者。亦水穀注下而不分。則成糟粕。而非完谷。且小腸為受盛之府。水谷到此。已變化而未盡變化也。治宜分別水谷。以五苓散主之。使水谷分利。則瀉止矣。

自大腸來者。則變化盡而成糞。但不結聚。而所下皆酸臭也。宜用傷寒論中禹糧湯。陳文中痘疹方中肉豆蔻丸主之。此澀可以去滑之法也。

叔和云。濕多五瀉。此本內經濕勝則濡瀉之論。所謂五瀉。則與難經之論不同。素問以臟腑分五瀉。叔和以風寒濕熱食分五瀉。

如瀉時有發熱惡寒。水谷不分者。此風濕証也。謂飧瀉。經云。春傷于風。夏生飧泄者是也。宜小建中湯加防風主之。若兼濃血者。胃風湯主之。

如瀉時有腹痛。或吐或不吐。所瀉者多完谷未化。此寒濕証也。宜理中湯主之。

如瀉時有腹痛。或痛或不痛。所下亦有完谷未盡化者。此邪熱不殺穀也。有成糟粕者。皆屬熱濕。以傷寒論中猪苓湯主之。如寒濕熱濕。宜詳辨之。屬寒者不渴。屬熱者渴也。

如瀉時水谷混下。小便少而大便多者。此濕瀉也。有溏瀉無度者。此久濕也。並宜五苓散主之。



如瀉時有腹痛腹鳴之症。惡食所下酸臭之物。此因宿食停滯于中而成濕。此食化為濕也。宜下之。積去泄自止也。丁香脾積丸主之。

泄瀉二字亦當辨之。泄者謂水穀之物泄出也。瀉者謂腸胃之氣下陷也。

猪苓湯

猪苓一錢 澤瀉一錢 阿膠一錢 滑石一錢 茯苓一錢

右水煎

春月得之名傷風。其証發熱而渴。小便短少。宜先清暑後補脾。

清暑薤苓湯 補脾白朮散

夏至後得之瀉者。有寒有熱。渴欲飲水者。熱瀉也。先服玉露散。以清暑止渴。

後服白朮散以補脾。

如不渴者。寒瀉也。

先服理中丸。以溫中補脾。後五苓散。以清暑。此祖傳之妙訣也。

夏月水瀉。其詳有在因五邪之氣所生病。條內有案。

秋月得之。傷濕瀉也。其証體重。所下溏糞。謂之濡瀉。宜滲濕補脾。利小便。胃苓湯主之。

或升麻除濕湯。

冬月得之傷寒濕也。其證腹痛。所下清水。宜溫理中丸。或理中湯。加熟附子少許。主之。不宜豆蔻丸。

四時之中。有積瀉者。面黃腫。腹中時痛。所下酸臭者是也。宜先去積。後調脾胃。

去積丁香脾積丸。

調理脾胃胃苓丸。

治瀉大法。不問寒熱。先服理中丸。理中者。理中氣也。治濕不利小便。非其治也。五苓散主之。更不止。胃氣下陷也。補中益氣湯。清氣上升。則不瀉矣。又不止者。此滑瀉也。宜澀之。豆蔻丸主之。此祖傳之秘法也。

兜泄瀉依法治之。不效者。脾胃已衰。不能轉運藥性。以施變化。只以補脾為主。脾胃既建。藥自效也。白朮散主之。常與無間。此子父之秘授也。

久瀉不止。津液消耗。脾胃倒敗。下之殺亡。必成慢驚。所謂脾虛則吐瀉生風者是也。故應補脾胃。于將衰之先。宜用白朮散補之。補之不效。宜用調元湯。加健中湯。急救。否則慢驚已成。雖使仲陽復生。不可為也。詳見慢驚內。

小兒泄瀉。大渴不止。勿與水飲之。水入則亦加渴。而病益甚。宜生脾胃之津液。白朮散主之。

白朮散

治小兒泄瀉煩渴。四君子加

木香 藿香各等分 葛根加一倍

右作大劑。水煎常服。以代湯水。

### 黃連丸

久瀉不止。發熱者。此津液不足。乃虛熱也。勿投以涼藥。反耗津液。宜白朮散主之。甚熱之氣。黃連丸主之。

治久瀉發熱。此虛也。

黃連二錢 乾蟾鏤二木香一錢 使君子一錢 蘆薈七分 夜明砂七分

右為末。山藥研粉。米糊丸。麻子大。米水下。

### 升麻除濕湯

治風濕作瀉。自下而上者。引而竭之。如脾胃甚弱。不思飲食。腸鳴腹痛。泄瀉無度。小便赤澀。四肢困倦。

升麻五分 柴胡五分 防風五分 神曲五分 麥蘖三分 陳皮三分 炙甘草三分

猪苓五分 澤瀉五分 蒼朮一錢

右為末。水煎熱服。

### 玉露散

治傷熱瀉黃。方見前。與五苓散合和勻。名桂苓甘露飲。治熱瀉。此予心得之妙。

一兒有病。一日夜行三五。或瀉或止。連年不愈。此脾瀉也。胃苓丸加人參主之。

一兒無病。時值盛夏。醫以天水散與之。謂其能解暑毒也。服後暴瀉。醫悔。用作理中湯。連

進三劑。瀉變痢疾。日夜無度。膿血相雜。兒益困頓。皮燥無汗。髮聚成穗。請予治之。予曰。挾

熱而痢者。其腸必垢。瀉久不止。則成疳瀉。此兒初瀉。本時行之病。非干天水散也。醫當用

天水散和五苓散服之可也。反以理中湯熱劑投之。遂成挾熱腸垢之病。皮燥髮穗者。表

有熱甚也。下痢窘迫者。裡有熱甚也。表裡俱熱。津液亦衰。事急矣。因製一方用

黃連一錢

乾塘火一錢

木香一錢

青皮五錢

白茯苓五錢

當歸身五錢

訶子肉五錢

共為末。乘米粉糊丸。每服三十丸。炒陳米湯下。十日後滿頭出小癩。身上發瘧如粟。熱

平痢止而愈。噫。此子非吾生矣。

一兒病瀉。大渴不止。醫以五苓散玉露散皆不效。病益困。腮研唇紅。予見之曰。不可治也。

泄瀉大渴者。水去穀少。津液不足故也。法當用白朮散補其津液可也。乃服五苓散玉露

散。滲利之劑。重亡津液。脾胃轉虛。訣云。大渴不止。止而又渴者死。泄瀉不止。精神好者死。

父母不信。三日後發搐而死。

壬子。經魁萬寶蘭。石泉翁之伯子也。翁得子晚。始生寶蘭。愛如珠玉。周歲得水瀉。一日夜十餘行。翁喜醫。自作理中湯。訶子肉豆蔻與之。不效。乃急請予至。叙其用為不效。予曰。正

理論云。理中者。理中氣也。治泄不利小便。非其治也。遂用五苓散去桂枝加甘草。一服瀉止。三日後遍體發出赤斑。石泉慎予曰。無妨。活人書曰。傷寒病下之太早。熱氣乘虛入胃。發斑。今夏月熱盛之時。瀉久裡虛。熱氣乘虛而入。且多服理中辛甘之劑。熱留胃中。今發赤斑。自裡而出于表也。宜化斑湯必易愈。翁曰。石膏性寒。非瀉所宜。曰。有是病。則投是藥。在夏月白虎猶宜用也。一服而斑沒熱退。

本縣大尹朱雲閣。公子病泄十日不止。眾醫或用理中五苓益元白朮等散。皆不效。瀉渴益甚。公亟召予至。視其外候。啟曰。渴太甚。當先止渴。公曰。當先止瀉。余曰。病本濕熱。水穀不分。更飲水多。則濕傷脾胃。水積腸胃。所瀉之水。乃所飲之水也。故當先止其渴。渴止瀉亦止矣。公曰。當用何方。曰。白朮散。尹曰。已服過多。余曰。用之不同也。尹曰。用之更有別法乎。余曰。本方在常與服之。此常字便是法也。蓋白朮散。乃治瀉作渴之神方。此方有二法。人參白朮茯苓甘草藿香木香各一錢。葛根倍二錢者。泄瀉久不止。胃中津液下陷也。故葛根倍用之。以升胃中之津液。此一法也。今人不知倍用之法。與六味等分同。故效少也。免病渴者。湯水不離。今人不知常服之法。其以藥常代湯飲之也。故所用之方。雖是所用之法。不同。藥劑少而湯水猶多。藥少湯多。猶以一杯之水。救一車薪之火。水不勝火。如何有效。當作大劑煎湯水飲之。渴只飲本湯。一切湯水禁之。勿與。則胃氣上升。津液自生。渴瀉止矣。尹聞而是之。果一劑治矣。不問泄瀉痢疾。並宜服此。多多益善。不唯泄瀉可止。亦

不止脾虛生風也。真神妙方也。謹詳述之。

公子脾胃素弱。常傷食。一醫枳朮丸保和丸。其意常用枳朮丸補脾。至傷食則服保和丸。不效。公以問予。予曰。此法固好。但專用枳朮丸。則無消導之藥。初不能制其飲食之傷。而服保和丸。則脾胃之虛不能勝其消導。而反損中和之氣。當立一方。七分補養。三分消導。則脾胃自強。不能再傷矣。公曰。甚善。汝作一方來。看予。乃製用人參白朮青皮甘草木香縮砂仁山藥蓮肉使君子神曲麥芽為末。荷葉煨飯搗爛為丸。米飲下。名之曰養脾消食肥兒丸。服後精神頓異。飲食無傷。公益喜。錄其方。常用之。親書儒醫二字。作匾賜之。庠生胡逸泉。東郊翁之伯子也。周歲時得水泄。先請醫。甘大用治之不效。復請予。至視之。則肌肉消削。面目眇白。時感夏。凝汗不潤。皮膚乾燥。髮髮所下頻併。暑帶後重。此氣血俱虛也。按法治之。補中氣。利小便。升舉其陽。固澀其滑。次第調法。畧無寸效。或曰。何如。予曰。術將窮矣。唯有一法未用耳。乃作疴瀉治之。用人參白朮白茯苓甘草陳皮山藥當歸蓮肉砂仁訶子肉豆蔻黃連木香乾蟾為丸。神曲糊丸。煎四君子湯下。服未二日。膚潤有微汗。再一日。頭上見出紅瘡。小便漸多。五日而瀉止。後更以參苓白朮散作丸服之。調理而汪望峰長子城南生一子。寄養姊夫南河胡家。南河常語人曰。萬老先生好小兒科。今子全作聰明。兒有病。可請張祖兄醫之。乃先生親傳。予亦與人會約。不執方。合宜而用。吾之活之多矣。試舉其一。二驗者寔之。

城南子子病瀉。十餘日不止。一向是張用藥。以胃苓丸一粒丹服之。皆無效。請予治之。望峰知其故。恐予不肯用心。取白金二兩作利市。予嘆曰。不在利市。只在信我也。我之治病。敢作聰明。皆先人之舊方。顧用之不同耳。蓋治大病以重劑。治小病以輕劑。彼胃苓丸一粒丹。豈治此重哉。乃取豆蔻丸五十。胃苓丸五十。陳倉米煎湯下。南河云。只此一劑而止。不再下也。南河初不聽。泄止。大悟曰。良工不云以朴信乎。

湖廣右布政孫小姐。五月病瀉。至七月猶未止。諸醫治之皆不效。差人召予。予往至見其大渴。乃知津液不足也。不止其渴。瀉亦不止。熱亦不除也。公問予曰。數日可安。三日止渴。五日止瀉。十日熱退。計十八日可安。公曰。病久矣。一月而安。幸也。乃進白朮散作大劑。以代湯。須臾飲盡。予見其渴甚。再加製天花粉二劑。其夜渴止。泄亦微止。次日又進一劑。渴瀉俱止。三日熱亦漸退。四日公又問予曰。小姐病未安。奈何。予告曰。初來時曾許三日止渴。五日止瀉。十日退熱。今日來五日渴瀉俱止。熱亦漸退。耕當問農。織當問女。小姐貴體。余以身任之。唯足下寬量數日可也。公稱謝。再用白朮散減乾葛加陳皮。調治半月而效。公大喜。給劄付冠帶儒醫匾。白金一十兩。此萬曆元年九月初四日也。本縣大尹唐百峰行之。

痢疾

痢不問赤白。皆從積治。濕熱者。食積之所主也。

痢初得之其法宜下積不去痢不止也

可下者木香導滯丸主之

不可下者宜去積保和丸主之

陳皮五錢枳殼炒三錢黃連姜汁炒神祐錢三山查肉錢三麥蘖錢三萊服子炒三錢

右為末水糊丸麻子大白湯下

木香導滯丸

枳寔炒五錢厚朴姜汁炒檳榔五錢黃連五錢黃芩五錢黃蘗五錢大黃五錢

木香一分黑牽牛半生半炒取頭

右為末酒糊丸小豆大白湯下

祖訓只用黃連丸

黃連一兩淨剉用吳茱萸五錢水拌濕同炒去萸不用

木香五錢石蓮肉三錢

右為末酒糊丸麻子大陳倉米煎湯下此家傳十三方也

子教諸子只用保和丸香連丸同服治痢萬無一失

鄖陽撫台都御史孫小姐自五月病痢至七月未愈差荆襄承差取鄖陽醫官治之不效

遣承差王加宜取子往病亟矣至用人參白朮苓甘草當歸白芍黃芩車前子陳皮各等



分炒乾姜少許煎服。晷差五日大安。臺晚飲間。問予云。諸醫皆用木香黃連。今汝不用。所用皆非治痢之藥。而效者何也。予曰。此乃河間黃芩芍藥湯方也。所謂調其氣則後重除。養其血而痢止之法也。臺云。小女前年在湖廣病泄。今年在此病痢。皆五六月間。幸遇汝之良而安。然小女之遇汝。爾之遇我。非偶然也。予叩首謝。

本縣祝道士長子。七歲病痢。半年不愈。求予治之。予與一方。用人參白朮茯苓甘草陳皮山藥黃芪桔梗木香黃連訶子肉豆蔻車前子乾姜炒澤瀉神糶當歸麥芽白芍為末。水麵丸。米飲下。一月而安。名和中外。

一女十歲患痢。久不止。脈洪數。或曰。脈痢下宜小。今脈洪數。恐難治。予曰。無妨。玉函經曰。欲識童男與童女。決在寸關并尺裡。自然緊數甚分明。都緣末散精華氣。此童女脈宜如是。胃氣當強。不久自愈。果數日痢漸止。

本縣張大尹。有公子十歲。病赤白痢。甚苦。用黃連一錢。木香五分。石蓮肉五分。陳皮七分。乾姜炒二分。為末。神糶丸。黍米大。陳米飯下。

痢疾渴者。七味白朮散。去乾葛。加炒乾姜黃連阿膠烏梅。主之。

痢苦噤口者。宜參苓白朮散。加石菖蒲為末。陳倉米湯下。

痢疾脫肛者。只止其痢。痢止肛自不下矣。

瀉後變痢後重者。胃氣下陷也。赤白者。腸垢之下溜也。水穀盡而腸胃敗。故死。

痢後變瀉。後重止者。濕熱之氣去也。赤白止者。陳腐之物盡也。腸胃通而水谷行。故姓凡下痢鮮血者。黑如屋漏水者。氣促者。大吼如竹筒者。嘔噦不食者。

足跌腫者。身熱脈大者。渴欲飲水者。只大渴者。面嬌面青者。皆死証也。

初病痢者。腹中急痛。大便窘迫。小便赤澀。身熱飲水宜急下之。輕者三黃枳朮丸。重者木香檳榔丸。去其陳垢。其痢自止。此時邪氣未動。正氣未傷。故宜下之。若喜補惡攻。使邪氣日強。正氣日弱。不下之則積熱不除。下之則脾胃俱弱。釀成大病。醫生之過也。

初病泄瀉變漸痢者。此時宿垢已去。不可再下。如有腹痛裡急後重之証。乃未盡之餘邪也。宜去積止痢。去積保和去滯丸。止痢香連丸。

痢久不止。名休息痢。家傳和中丸。

或問赤痢為熱。白痢為寒。何如。

曰原病式論之詳矣。痢下赤白。皆濕熱也。

赤者自小腸來。小腸者心之腑也。心屬火。故其色赤。白者自大腸來。大腸者肺之腑也。

肺屬金。故其色白。

赤者屬熱。白者屬濕。濕亦熱也。經云濕盛而熱也。

若初痢下鮮血者。非赤也。此風熱之毒。宜剪紅丸主之。

如痢下瘀血。或如豆汁者。此濕氣下血也。宜胃風湯主之。

或問河間云行氣則後重除養血則痢止此千古不易之法也今幼科治痢之方不用其法何也

曰痢者素云腸澼難云大瘕泄古云滯下腸澼者因于飽食也大瘕泄者食癥也滯下者積滯之物下出也故云無積不成痢治法以攻積為先務也積不去則氣不行去積所以行其氣而不裡急後重也熱則傷血痢久則傷血去熱止泄所以養血也法雖不同意則合也或問丹溪云先瀉後變痢者脾傳腎也難治先痢後變瀉者腎傳脾也易治何以言之曰脾主濕濕勝則濡瀉瀉者脾之病也瀉久不止又變成痢痢下後重腎病也如痢非真痢也故後重者胃氣之下陷也膿血者腸垢之下溜也真氣敗而穀氣絕是謂難治腎惡濕小兒久坐濕地則傷腎急裡後重便膿血者腎之病也痢久不止而變成瀉濕去而脾病在也故裡不急痛者濕熱之未除也使無膿血者陳莖之穢盡也腸胃通而水穀行故渴

或問痢疾身涼脈靜者生身熱脈燥者死其然乎

曰初病時邪氣方盛身熱脈燥者多不可呼為死証也邪氣盛則實可急下之邪去脈自衰身自涼也痢久而身熱脈燥則不可治也脈靜身涼久痢之後真氣已虛之脈也身宜溫不可太涼脈宜靜不可太弱經云瀉痢五虛者死脈細一也皮寒二也少氣三也泄痢不止四也飲食不入五也此脈靜身涼之言不可執着也

痢久不能食或有食即吐者名噤口痢即經所謂五虛者死古方雖多無甚效者大抵瀉

痢日久津液已竭脾胃虛弱不能食也宜以補脾為主白朮散去乾葛加炒乾姜主之能食者生矣不能食者死

痢久脫肛者氣血虛也素云下陷者虛也難云出者為虛古方多用濕劑如蝟皮木賊之類此治其標也當用河間行氣養血之法痢止後重除脫肛自不脫出矣加減八珍丸主之

有痢下赤白青黑者名為野鷄痢用阿膠梅連主之

有痢兩膝腫大者名曰鶴膝風加六味地黃丸主之

保和去滯丸

治痢疾有積胃弱不可重下

陳皮 五錢 半夏曲 五錢

枳實 五錢炒 厚朴 五錢姜汁炒

檳榔 五錢 萊服子 二錢炒半 白茯苓 五錢 木香 二錢分

右為末神糶糊丸麻子大陳米湯下

三黃枳朴丸

治濕熱成痢并有食積者

黃連 三錢 黃芩 三錢 黃蘗 三錢皆酒炒 大黃 五錢酒煨 枳實 三錢炒 厚朴 三錢姜汁炒 檳榔 二錢

右為末酒糊丸麻子大姜湯下

胃風湯

八物湯去地黃甘草加桂等分入粟米同煎本方去桂加連等分吳茱萸減半同炒為末酒糊丸可治遠近血痢

阿膠梅連丸

治痢無分久新赤白青黑疼痛証

阿膠草反炒成珠

赤茯苓

烏梅法核

赤芍

黃蘗炒

黃連炒

乾姜炒

當歸各等分

右為末入阿膠和勻水丸麻子大陳米飲下

家傳和中丸 專治休息痢

人參 三錢 甘草 三錢 當歸身 三錢 川芎 三錢 猪苓 三錢 澤瀉 三錢

車前子 三錢畧炒 神曲 三錢 黃連 三錢炒 麥蘖 三錢 柯子 三錢 石蓮子 三錢

乾姜 三錢 肉豆蔻 三錢麵煨 木香 三錢 白茯苓 二錢 白朮 三錢 白芍 三錢 陳皮 三錢

右為末酒糊丸麻子大陳米飲下

加味地黃丸

治痢後鶴膝風

地黃丸加牛膝 白茯苓 虎脛骨酥炙

共為末蜜丸服

加味八珍丸

治久痢脫肛

八珍湯去川芎 白朮 加黃連炒

阿膠土炒各三分 木香三之二減半

右為末水丸麻子大炒米湯下炙服佳

剪紅丸

治痢血神效

當歸身 黃連炒 槐角子炒 枳壳炒 荆芥穗 側柏葉炒各等分

右為末酒煎麵糊丸麻子大陳米湯下